



ایمام حسن عسکری نین (ع) ایمامت دورانی سیاسی-اجتماعی جهتند مخصوص بیر دوران ایدی.

بیر طرفدن عباسی خیلافتی ضعیفله میشدی و تورکلرین بیر عیثه سی، خلیفه نین عزل و نصبینده گوجلری اولان حدده خیلافت دستگاهیندا نفوذ اتلیه بیلیمیشدی. و بیر آپری طرفدن خیلافت علثیه نینه اولان قیاملار باعث اولموشدو عباسی لر چوخلو موشکوللرین اوز-اوزه قالسینلار. مخصوصاً زنگی لرین بصره ده کی قیامی کی عباسی خیلافتینی 14 ایل مشغول اتله دی.

بو احوالاتینان بئله، خیلافت دستگاهی ایمام حسن عسکری دن (ع) غافیل اولموردو چونکی بیلیردی بو موقدس وجود موسلمانلارین اون بیرینجی حقلی ایمامیدیر و پیغمبرین فرماییشینه گوره اوندان سونرا ایمامتین آخیر حؤجتی گله جاغیدی. ایمام حسن عسکری (ع) و کرامتلی آتاسی ایمام هادی (ع) نظامی منطقه ده گؤز آلتیندا و حبسده ساخلاماقلاری بونا خاطریری کی ایمام حسن عسکری نین (ع) اتولمه سینه و ایمام زمانین (ع) ویلا دتینه مانع اولسونلار.

عباسی خیلافت دستگاهی چوخلو موشکوللرله اوز اوزه قالماغینا رغماً ایمامی دا تماماً نظر آلتیندا ساخلامیشدی و او حضرتین مدینه به قایتماسینا ایجازه وئرمیردی.

ایمام عسکری نین (ع) بیر طرفدن وظیفه لری واریدی آتالاری کیمی اهل بیت (ع) معاریفی نین یاماسینا ایدامه وئرسین و آپری طرفنده حکومت مأمورلاری نین کونترولو و گوزو آلتیندا حبس اولموشدو. بو اوزدن او حضرت دونیانین باشا-باشیندا اولان نواینده لری اینن رایبته فورماغا چتینلیق چکیردی و اونلارین بعضیسی اینن گیزلی قرارلار قوبوردو.

حضرت بعضاً پیام و امر یوللاماق اوچون اوز اعتمادلی آداملارینی نواینده لرینه طرف گؤندریردی و بعضاً اونلاری سامرایا چاغیریردی کی گلیب ایماملا گوروشسونلر. آما بو گوروشلر علنی بوخ بلکه گیزلی صورته ده و طاباقچی و آل-وئرچی صورته ده اولوردی کی مأمورلار اونلارا شک اتله مه سینلر. اونلار او صورته ده گلیردی لر و ایمام ظاهرده آل-وئر اوچون و حقیقته لازیم اولان امرلری وئرمک اوچون اونلارا یاخینلاشیردی و دانیشیردی و هابئله اونلارین سواللارینا جواب وئریردی.